



XALQ DEPUTATLARI NISHON TUMAN KENGASHI QARORI

2022 - yil 30 - dekabr

VI-65-217-4-65-K/22

Nishon tuman hokimligi

Nishon tumanining 2023-yilgi mahalliy budjetini tasdiqlash to'g'risida

Budjet kodeksining 99-moddasi, O'zbekiston Respublikasi Oliy Majlisi Qonunchilik palatasi tomonidan 2022-yil 22-dekabr va O'zbekiston Respublikasi Oliy Majlisi Senati tomonidan 2022-yil 27-dekabr kuni qabul qilingan "2023-yil uchun O'zbekiston Respublikasining Davlat budjeti to'g'risida"gi Qonuniga muvofiq hamda O'zbekiston Respublikasi Moliya Vazirligining 2022-yil 29-dekabrdagi 01/20-32/1021-sonli xatini inobatga olib, "Mahalliy davlat hokimiyati to'g'risida"gi O'zbekiston Respublikasi Qonunining 6, 24-moddalariga asosan xalq deputatlari Nishon tuman Kengashi,

QAROR QILADI:

1.O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi Qonuni rahbarlik va ijro uchun qabul qilinsin.

2.O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi Qonuniga muvofiq, Nishon tumani mahalliy budjetining 2023-yil uchun daromadlari 124 965 800.0 ming so'm, xarajatlari 199 805 276.0 ming so'm prognoz qilinganligi hamda respublika budjetidan ajratiladigan tartibga soluvchi budjetlararo transfertlar 74 839 476.0 ming so'm miqdorida tasdiqlanganligi ma'lumot uchun qabul qilinsin.

3.2023-yil uchun Nishon tumani rivojlantirishning asosiy makroiqtisodiy ko'rsatkichlari prognozi hamda 2024-2025-yillarga maqsadli mo'ljallari 1-ilovaga muvofiq, 2023-yil uchun tuman mahalliy budjeti daromadlari prognozi 2-ilovaga muvofiq ma'lumot uchun qabul qilinsin.

4.2023-yil uchun tumanning budjetidan hududiy budjet mablag'larini taqsimlovchilarga ajratiladigan mablag'larning cheklangan miqdorlari 3-ilovaga muvofiq tasdiqlansin.

5.2023-yil uchun tuman budjetiga umumdavlat soliqlaridan ajratmalar normativlari 4-ilovaga muvofiq tasdiqlansin.

Bunda, ajratmalar normativlari bo'yicha tuman mahalliy budjetining taqsimotini o'rnatilgan tartibda Nishon tuman bo'yicha G'aznachilik bo'linmasi tomonidan amalga oshirilishi belgilab qo'yilsin.

6.2023-yil uchun tuman mahalliy budjetining daromad va xarajatlarining prognozi 5-ilovaga muvofiq ma'lumot uchun qabul qilinsin.

7.2023-yil uchun viloyat budjetidan tuman mahalliy budjetiga ajratiladigan tartibga soluvchi budjetlararo transfertlar miqdorlari 6-ilovaga muvofiq tasdiqlansin.

Bunda, tartibga soluvchi budjetlararo transfertlar miqdorini tuman mahalliy budjeti daromadlari prognozi ijrosidan qat'iy nazar kamaytirishga yo'l qo'yilmasligi Qonunda belgilab qo'yilganligi ma'lumot uchun qabul qilinsin.

8.2023-yil uchun tuman mahalliy budjeti zahira jamg'armasi hajmlari 1 885 032.0 ming so'm miqdorida belgilansin.

Tuman budjetining 2023-yil uchun zahira jamg'armalari tegishli budjetlar tasdiqlangan umumiy xarajatlarining kamida 1,0 foizi miqdorida shakllantirilsin.

Nishon tuman budjetining, tuman budjetini ijro etishda yuqori turuvchi budjetdan ularga ajratiladigan budjetlararo transfertlarning prognozidan oshgan qismi uchun tegishli budjetlarining zahira jamg'armalar miqdorlariga aniqlashtirish kiritilmasligi inobatga olinsin.

9.2023-yil uchun tuman budjetlari shaxsiy g'azna hisobvaraqlarida turgan budjet mablag'larining yo'l qo'yiladigan eng kam miqdori 7-ilovaga muvofiq belgilansin.

10.O'zbekiston Respublikasining mazkur Qonuni bilan 2023-yilda xalq deputatlari Kengashlarini mahalliy budjetlarni boshqarishda, xususan mahalliy budjet xarajatlarini hududiy budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, 2023-yilda quyidagi soliq turlari:

a) tuman budjetiga to'liq hajmda o'tkaziladi:

jismoniy shaxslardan olinadigan mol-mulk solig‘i;

jismoniy shaxslardan olinadigan yer solig‘i;

jismoniy shaxslarga tegishli mol-mulkni ijaraga berishdan oladigan yillik daromadi to‘g‘risidagi deklaratsiyaga asosan to‘laydigan, shuningdek yakka tartibdagi tadbirkorlar to‘laydigan jismoniy shaxslardan olinadigan daromad solig‘i;

aylanmadan olinadigan soliq;

qonunchilikda belgilangan miqdorlarda O‘zbekiston Respublikasining Davlat budjetiga undiriladigan boshqa yig‘imlar (bojxona organlari tomonidan undiriladigan yig‘imlardan, g‘ildirakli transport vositalari, o‘ziyurar mashinalar va ularning tirkamalari uchun undiriladigan utilizatsiya yig‘imidan, shuningdek avtotransport vositalari oynalarining tusini o‘zgartirishga (qoraytirishga) ruxsatnoma berish uchun to‘lovdan tashqari);

suv resurslaridan foydalanganlik uchun soliq, bundan elektr stansiyalari tomonidan to‘lanadigan soliq mustasno;

ayrim turdagi tovarlarning chakana savdosiga doir huquq uchun yig‘imlar;

qurilish materiallari bo‘yicha yer qa‘ridan foydalanganlik uchun soliq;

Mobil aloqa xizmatlari uchun aksiz solig‘i va alkogol maxsulotlari, shu jumladan pivo uchun aksiz solig‘idan tushumlar 2022-yil 1-iyul holatiga ko‘ra tuman aholisidagi ulushiga muvofiq hisob-kitob qilinsin.

b) Nishon tumani mahalliy budjetiga to‘liq hajmda o‘tkaziladi:

yuridik shaxslarning mol-mulkiga solinadigan soliq;

yuridik shaxslardan olinadigan yer solig‘i;

elektr stansiyalari tomonidan to‘lanadigan suv resurslaridan foydalanganlik uchun soliq;

benzinni, dizel yoqilg‘isini va gazni yakuniy iste‘molchilarga realizatsiya qilishdagi aksiz solig‘i;

qonunchilikda belgilangan miqdordagi davlat bojlari (patent bojlaridan va litsenziyalar berganlik uchun davlat bojlaridan tashqari);

qonunchilikda belgilangan miqdorlarda O‘zbekiston Respublikasining Davlat budjetiga undiriladigan jarimalar;

qonunchilikda belgilangan miqdorlarda davlat daromadiga o'tkazilgan mulkni realizatsiya qilishdan tushgan tushumlar, mahalliy davlat hokimiyati organlarining ulushi bo'yicha dividendlar (daromadlar) va ajratmalar;

davlat aktivlarini joylashtirishdan, foydalanishga (ijaraga) berishdan va sotishdan qonunchilikda belgilangan normativlar bo'yicha olingan daromadlar;

xususiylashtirishdan tushgan tushumlar va boshqa soliqlar.

c) jismoniy shaxslardan olinadigan daromad solig'i viloyat budjeti hamda tumanlar va shaharlar budjetlari o'rtasida taqsimlanadi.

11.O'zbekiston Respublikasi Prezidentining "Jamoatchilik fikri asosida shakllantiriladigan loyihalarni moliyalashtirish ko'lamini kengaytirish chora-tadbirlari to'g'risida" 2022-yil 25-oktabrdagi PQ-409-son qaroriga asosan 2023-moliya yilidan boshlab:

a) "Obod qishloq" va "Obod mahalla" dasturlari doirasida moliyalashtiriladigan tadbirlar jamoatchilik fikri asosida "Ochiq budget" axborot portali orqali ovoz berish yo'li bilan aniqlanadi.

Bunda, aholi tomonidan amalga oshirilishi taklif etilayotgan tadbirlar har bir mahalla bo'yicha bitta loyihalar paketi shaklida ovozga qo'yilishi;

b) Tuman budjetida shakllangan qo'shimcha mablag'larning 30 foizi tumanda jamoatchilik fikri asosida shakllantirilgan tadbirlarni moliyalashtirish uchun tuman Fuqarolar tashabbusi jamg'armalariga mavjud aholi soni va mahallalar sonidan kelib chiqib, teng ulushlarda yo'naltirilishi;

c) tashabbusli budjetlashtirish jarayonlari uchun tuman budjetining 5 foizi miqdorida, biroq kamida 6 milliard so'm mablag' rejalashtirilishi belgilanganligi;

d) "Obod qishloq" va "Obod mahalla" dasturlarini jamoatchilik fikri asosida tashabbusli budjetlashtirish jarayonlari orqali amalga oshirilishining yangi tartibi ishlab chiqilishi ma'lumot uchun qabul qilinsin.

12.Tuman hokimining moliya – iqtisodiyot va kambag'allikni qisqartirish masalalari bo'yicha birinchi o'rinbosari (E.Boboqulov), iqtisodiy taraqqiyot va kambag'allikni qisqartirish (M.Astanaqulov), tuman hokimligi moliya bo'limi mudiri (X.Yuldashov), Davlat soliq inspeksiya boshlig'i (U.Butayorov) tuman hokimligi va mas'ul tashkilotlar bilan birgalikda:

tegishli budjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjet prognoz ko'rsatkichlarni o'z vaqtida va samarali bajarish;

budjet mablag'laridan maqsadli va samarali foydalanish;

budjet intizomiga rioya etilishi ustidan nazorat va mas'uliyatni yanada kuchaytirish;

tegishli mahalliy budjetlarga soliqlar va boshqa majburiy to'lovlarning to'liq tushumini ta'minlash;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

13. Tuman Davlat soliq inspeksiyasi boshlig'i (U. Butayorov) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratish;

xatlov ishlarini samarali tashkil etish orqali yer va mol-mulk solig'ining soliq bazasini oshirish;

Kadastr agentligi tuman bo'limi boshlig'i (Y. Abdishukurov) bilan birgalikda tumanda mavjud soliq to'lovchilarning mol-mulklari maydonlarini chuqur tahlil etgan holda ushbu mol-mulklarga nisbatan soliqlarni to'liq hisoblanishini ta'minlasin.

14. Nishon tuman soliq inspeksiya boshlig'i (U. Butayorov), hamda tuman hokimliklari bilan birgalikda:

noruda qurilish materiallarini qazib olish sohasida noqonuniy faoliyat olib borayotgan karyerlarni aniqlash bo'yicha xatlovlar o'tkazish;

xatlov natijalari bo'yicha aniqlangan noqonuniy faoliyat olib borayotgan karyerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karyerlar tomonidan qazib olinayotgan noruda qurilish materiallar hajmining soliq hisobotlarida to'liq aks ettirilishi ustidan doimiy nazorat o'rnatish.

Bunda, ushbu sohada faoliyat olib borayotgan karyerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo'shimcha manbalari hisobidan "marksheydrlik" xizmatlaridan foydalanish lozimligi alohida belgilab qo'yilsin.

15. Majburiy ijro byurosi Nishon tuman bo'linmasi (O.Poyonov) tuman soliq inspeksiya boshlig'i (U.Butayorov) bilan hamkorlikda soliqlar va boshqa majburiy to'lovlar bo'yicha mavjud soliq qarzdorliklarini budjetga undirish yuzasidan tegishli choralar ko'rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rib borishni ta'minlasin.

16. Tuman hokimining o'rinbosari – investitsiya va tashqi savdo bo'limi boshlig'i (T.Xatamov) bo'sh turgan obyektlaridan samarali foydalanishni tashkil etish markazining Nishon tuman hududiy bo'linmasi bilan birgalikda:

bo'sh turgan davlat mulki obyektlarini aniqlash bo'yicha xatlov ishlarini samarali tashkil etish;

xatlov natijalariga ko'ra viloyatda mavjud bo'sh turgan davlat mulki obyektlari ro'yxatini shakllantirish;

shakllantirilgan ro'yxatga asosan bo'sh turgan davlat mulki obyektlarini ijaraga berish yoki sotish bo'yicha tegishli takliflar tayyorlash;

bo'sh turgan davlat mulki obyektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo'ljallangan bo'sh turgan davlat mulki obyektlarini «ye-ijro auksion» maydonchasi orqali sotish ishlarini tashkillashtirsin.

17. Tuman hokimining o'rinbosari – investitsiya va tashqi savdo bo'limi boshlig'i (T.Xatamov), tuman soliq inspeksiya boshlig'i (U.Butayorov), tuman moliya bo'limi boshlig'i (X.Yuldashov) davlat korxonalarida hamda ustav kapitalida

50 foiz va undan ortiq davlat ulushi mavjud bo‘lgan yuridik shaxslar tomonidan 2023-yilning 1-iyuliga qadar 2022-yil yakunlari bo‘yicha o‘z sof foydasining 50 foizidan kam bo‘lmagan miqdoridagi ajratmalar va davlat ulushi bo‘yicha dividendlarni 2023-yilning 1-sentabridan kechiktirmay tegishli darajadagi budjetlarga o‘tkazilishini ta‘minlasin.

18.Nishon tuman irrigatsiya tizimlari havza bo‘linmasi boshlig‘i (T.Soatov) va tuman soliq inspeksiya boshlig‘i (U.Butayorov) tuman va hokimlari bilan birgalikda tumanda sug‘orishga sarflanayotgan suv hajmlari bo‘yicha aniq hisob-kitoblar yuritgan holda mazkur iste‘mol hajmlari bo‘yicha suv resurslaridan foydalanganlik uchun soliqlarni to‘liq hisoblanishini hamda moliya yili yakuniga qadar mahalliy budjetlarga to‘liq undirib olish vazifasi yuklatilsin.

Bunda, qishoq xo‘jaligi korxonalarini tomonidan iste‘mol qilinayotgan suv resurslari hajmlari va ushbu hajmlar bo‘yicha hisoblanayotgan suv soliqlari bo‘yicha doimiy tahlillar o‘tkazishga alohida e‘tibor qaratilsin.

19.Tuman ichki ishlar bo‘limi boshlig‘i (SH.Iskandarov), tuman yo‘l harakati xavfsizligi boshlig‘i (F.Mamatov), Majburiy ijro byurosi Nishon tuman bo‘linmasi (R.Elmurodov), Davlat xizmatlari agentligi tuman markazi boshlig‘i (J.Nuraliyev) hisoblangan boj, jarima va yig‘imlarni o‘z vaqtida o‘rnatilgan tartibda budjetga undirish choralarini ko‘rib borsin. Hisoblangan boj, jarima va yig‘imlarni o‘z vaqtida o‘rnatilgan tartibda budjetga undirish choralarini ko‘rib borsin.

20.Tuman moliya bo‘limi boshlig‘i (X.Yuldashov) Xalq ta‘limi, maktabgacha ta‘lim va Sog‘liqni saqlash bo‘limi boshliqlari bilan birgalikda:

budjet intizomiga qat‘iy rioya etilishi ustidan doimiy monitoring ishlari kuchaytirish;

o‘tkazilgan nazorat tadbirlari yakuni bo‘yicha kamomad va noqonuniy o‘zlashtirishga yo‘l qo‘ygan soha rahbarlarining hisoboti xar chorakda eshitib borishni ta‘minlasin.

21.Xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha doimiy komissiyasiga:

mahalliy budjetning qo‘shimcha manbalaridan foydalanish to‘g‘risidagi hokimlik tomonidan taqdim etiladigan takliflarini belgilangan muddatlarda jamoatchilik muhokamasidan o‘tkazish va budjet qonunchiligiga to‘liq rioya etilgan holda Kengash qaror loyihasini ishlab chiqish;

Kengash qarori asosida mahalliy budjetning qo‘shimcha manbalari hisobidan

ajratilgan mablag‘larni samarali va maqsadli foydalanishi ustidan nazorat o‘rnatish, tavsiyalar berish va monitoring qilish;

mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo‘naltirilishida ishtirok etish va ushbu mablag‘larning maqsadli sarflanishi ustidan nazoratni amalga oshirish vazifasi topshirilsin.

22. Tuman hokimligi:

tuman budjetlari jami xarajatlarining 5 foizi hamda shakllangan qo‘shimcha mablag‘larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun “Fuqarolar tashabbusi jamg‘armasi”ga yo‘naltirishni;

bunda, xalq deputatlari tuman Kengashlari, yoshlar ishlar agentligi, tuman hokimligi huzuridagi jamoatchilik Kengashlari hamda yangi joriy etiladigan hokim yordamchilari budjet jarayonida fuqarolarning faol ishtirokini ta‘minlash maqsadida aholiga keng targ‘ibot-tashviqot ishlarini olib borishni tavsiya etish;

mahalliy budjetlarning qo‘shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta‘mirlash ishlari olib borilayotgan obyektlar ro‘yxati, shuningdek qurilish-ta‘mirlash ishlarining moliyalashtirilishi to‘g‘risidagi ma‘lumotlar har chorak yakunlariga ko‘ra, keyingi chorak birinchi oyining 10 sanasiga qadar majburiy tartibda tegishli hokimlik rasmiy veb-saytlariga joylashtirib borish topshirilsin.

23. Tuman hokimining birinchi o‘rinbosari (E. Boboqulov), xalq deputatlari tuman Kengashi kotibiyati, tuman va hokimliklari, tegishli bo‘limi boshliqlari:

mahalliy budjet daromad va xarajatlarining prognoz ko‘rsatkichlari bajarilishi hamda soliq bazasini kengaytirish yuzasidan ko‘rilgan chora-tadbirlar;

ajratilgan budjet mablag‘laridan maqsadli va samarali foydalanishi yuzasidan erishilgan natijalar bo‘yicha xalq deputatlari viloyat Kengashiga chorakda kamida bir marotaba hisobot kiritib borsin.

24. Mazkur qaror “Nishon tongi” gazetasida rasmiy e‘lon qilinsin hamda tuman hokimligining rasmiy veb-saytiga joylashtirilsin.

25. Ushbu qaror rasmiy e‘lon qilingan kundan boshlab kuchga kiradi.

26. Mazkur qarorning bajarilishini nazorat qilish xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha doimiy komissiyasi zimmasiga

yuklansin.

Kengash raisi



M.K.Xayitmuradov

Xalq deputatlari Nishon tuman
Kengashining
2022 yil 30 dekabrda
VI-65-217-4-65-K/22-son
qaroriga
1-ilova

**Nishon tumaning 2023-yilga rivojlantirishning makroiqtisodiy ko'rsatkichlari
prognoz ko'rsatkichlari hamda 2024-2025-yillarga maqsadli mo'ljallari**

№	Ko'rsatkichlar	2023-yil uchun prognoz	Mo'ljal	
			2024-yil	2025-yil
1	Xizmat ko'rsatish sohasida, foizda	112,4	113,1	114,0
2	Qurilish ishlari, foizda	107,2	108,9	110,4
3	Sanoat mahsulotlarining o'sish sur'ati, foizda	106,6	107,8	109,8
4	Qishloq, o'rmon va baliq xo'jaliklarida ishlab chiqarishning o'sish sur'ati, foizda	104,6	105,9	106,2
5	Chakana tovar aylanmasining o'sish sur'ati, foizda	105,5	106,7	107,4

Xalq deputatlari Nishon tuman
Kengashining
2022 yil 30 dekabrda
VI-65-217-4-65-K/22-son
qaroriga
2-ilova

Nishon tumani mahalliy budjeti daromadlarining 2023-yildagi asosiy prognoz ko'rsatkichlari		
		ming so'mda
№	Daromad turlari	Nishon tumani
I.	Rag'batlantiruvchi (Stimuliruyushchiye) daromad	50 178 800
1	Jismoniy shaxslardan olinadigan daromad solig'i	125 447 000
	Me'yoriy ajratma	40
	Mahalliy budjetga	50 178 800,0
2	Yuridik shaxslardan olinadigan foyda solig'i	10 000 000
	Me'yoriy ajratma	
	Mahalliy budjetga	0,0
II.	Biriktirilgan daromadlar	74 987 000
1	Aylanmadan olinadigan soliq to'lovi	5 000 000,0
2	Tadbirkorlik faoliyatining ayrim turlari bo'yicha qat'iy belgilangan soliq	1 300 000,0
3	Benzin, dizel yoqilg'isi va gaz realizatsiyasidan aksiz soliq	6 000 000,0
	Me'yoriy ajratma	100
	Mahalliy budjetga	6 000 000,0
4	Yuridik shaxslarning mol-mulkiga solinadigan soliq	37 310 200,0
	Me'yoriy ajratma	
	Mahalliy budjetga	0,0
5	Jismoniy shaxslarning mol-mulkiga solinadigan soliq	5 100 000,0
6	Yer solig'i	42 000 000,0
	Yuridik shaxslar yer solig'i	36 400 000,0
	Me'yoriy ajratma	100
	Mahalliy budjetga	36 400 000,0

	Jismoniy shaxslardan olinadigan yer solig'i	5 600 000,0
7	Yer qa'ridan foydalanganlik uchun soliq (noruda materiallari)	400 000,0
8	Suv resurslaridan foydalanganlik uchun soliq	12 087 000,0
9	Boshqa soliqsiz tushumlar	2 900 000,0
	Yig'imlar	2 400 000,0
	Me'yoriy ajratma	100
	Mahalliy budjetga	2 400 000,0
	Davlat boji	
	Ijara to'lovi	300 000,0
	Jarimalar	
	Xususiylashtirish	
	Davlat tashkilotlarining sof foydasidan daromad	200 000,0
	Boshka tushumlar	
III.	Viloyat va tuman (shahar)lar budjetlari o'rtasida taqsimlanadigan daromadlar	0
	<i>Aholi soni (ming kishi)</i>	<i>160</i>
14	Alkogolga aksiz solig'i (shu jumladan pivo)	
15	Mobil aloqaga aksiz solig'i	
16	Tamaki mahsulotlariga aksiz solig'i	
IV.	JAMI MAHALLIY BUDJET DAROMADLARI	124 965 800,0
	<i>Ma'lumot uchun: 2022-yilgi parametr</i>	<i>109 803 349,4</i>
V.	JAMI MAHALLIY BUDJET XARAJATLARI	199 805 276,0
VI.	TRANSFERT	74 839 476,0

Xalq deputatlari Nishon tuman
Kengashining
2022 yil 30 dekabrda
VI-65-217-4-65-K/22-son
qaroriga
3-ilova

Nishon tuman mahalliy budjetlarining 2023-yildagi asosiy ko'rsatkichlari		
		ming so'm
	Ko'rsatkichlar	Nishon tuman
	Xarajatlar - jami	199 805 276
	<i>Ma'lumot uchun, 2022-yil Parametrlarida</i>	<i>109 803 349,4</i>
1.	Ijtimoiy soha va aholini ijtimoiy qo'llab-quvvatlashga xarajatlar - jami	156 666 424
	<i>shu jumladan:</i>	
1.1	Maorif	23 270 000
	- maktabgacha ta'lim	14 739 000
	- umumiy ta'lim	8 531 000
	- kadrlar tayyorlash	
1.2	Sog'liqni saqlash	72 864 310
1.3	Tibbiy-ijtimoiy xizmatlar uchun xarajatlar	
1.4	Madaniyat	1 765 000
1.5	Sport	2 532 630
1.6	Fan	
1.7	Bolali oilalarga va kam ta'minlangan oilalarga nafaqalar va kompensatsiyalar	56 161 400
1.10	Ozodlikdan mahrum etish jazosini o'tab bo'lgan fuqarolarga «dastlabki ijtimoiy-moddiy yordam paketi»	
1.14	Fuqarolarga yetkazilgan zararni koplash	
1.16	Ijtimoiy ko'nikma markazlari	73 084
2.	Iqtisodiyotga xarajatlar	18 756 570
	<i>shu jumladan:</i>	

2.1	Ichki xo'jalik avtomobil yo'llarni ta'mirlash xarajatlari	3 000 000
2.2	O'simliklar karantini inspeksiyalari xarajatlari	
2.3	Obodonlashtirish	10 818 680
2.4	Ko'p kvartirali uy-joylarning tutash hududlarini obodonlashtirish xarajatlari	
2.5	Issiqlik ta'minoti tizimi tashkilotlari xarajatlari	
2.6	Ko'p kvartirali uylardagi lift uskunalari ta'mirlash va yangilash	
2.8	"Toza hudud" Davlat unitar korxonasi	
2.7	Xo'jayli va Chalish suv yo'li texnik uchastkasi	
2.8	Issiqlik ta'minot korxonalariga subsidiyalar	
2.9	Suv xo'jaligi vazirligi tashkilotlari	1 097 556
2.10	O'rmon xo'jaligi tashkilotlari	
2.11	Davlat ekologiya qo'mitasining hududiy boshqarmalari	
2.12	Fermerlar buxgaltenriyasini saqlash xarajatlari	1 372 369
2.13	Pillachilik va qorako'lchilikni rivojlantirish qo'mitasining hududiy bo'limlarini saqlash xarajatlari	
2.14	Uy-joy kommunal xo'jaligi vazirligining xududiy bo'limlarini saqlash xarajatlari	
2.15	Veterinariya qo'mitasi	1 294 545
2.16	Sug'oriladigan yerlarning meliorativ holatini yaxshilash	
2.17	Avtobus yo'nalishlarining yillik subsidiyalash xarajatlari	
2.18	Mahalliy budjetlarda hokim yordamchilarining tavsiyalari asosida mahalla infratuzilmasini yaxshilash xarajatlari	1 173 420
3.	Markazlashtirilgan investitsiyalarni moliyalashtirishga xarajatlar	
3.1	Markazlashtirilgan investitsiyalarni moliyalashtirishga xarajatlar	
3.2	Maktabgacha ta'lim tashkilotlarini rekonstruksiya qilish, mukammal ta'mirlash va jihozlash	
3.3	Umumta'lim maktablarini rekonstruksiya qilish, mukammal ta'mirlash va jihozlash	
3.4	Sog'liqni saqlash muassasalarini rekonstruksiya qilish, mukammal ta'mirlash va jihozlash	
3.5	Melioratsiya obyektlari	
3.6	Ichimlik suvi va kanalizatsiya	

4.	Davlat boshqaruv organlarini saqlash	9 709 323
5.	Fuqarolarning o'zini o'zi boshqarish organlarini saqlash	3 370 927
6.	Zahira jamg'armasi	1 885 032
7.	Fuqarolar tashabbusi jamg'armasi	9 417 000
8.	Boshqa xarajatlar	
	<i>shu jumladan:</i>	
8.2	Advokatlik xizmatlari xarajatlari	
8.3	Ichki va tashqi qarzga xizmat ko'rsatish xarajatlari	
8.4	Prezident maktablarini qurish uchun jalb etilgan qarz mablag'larini qaytarish xarajatlari	

Xalq deputatlari Nishon tuman Kengashining
2022 yil 30 dekabrda
VI-65-217-4-65-K/22-son qaroriga
4-ilova

Umumdavlat soliqlaridan shahar va tumanlar mahalliy budjetlariga 2023-yildagi ajratmalari me'yorlari

T/R	Shaxar va tumanlar nomi	Yuridik shaxslardan olinadigan foyda solig'i	Aylanmadan olinadigan soliq	Jismoniy shaxslardan olinadigan daromad solig'i	Yakka tartibdagi tadbirkorlar uchun jismoniy shaxslardan olinadigan daromad solig'i	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	Yuridik shaxslarning mol-mulkiga solinadigan soliq	Jismoniy shaxslarning mol-mulkiga solinadigan soliq	Yuridik shaxslar yer solig'i	Jismoniy shaxslardan olinadigan yer solig'i
10	Nishon tumani	0	100	50	100	100	0	100	100	100
T/R	Shaxar va tumanlar nomi	Yer qa'ridan foydalanganlik uchun soliq (noruda materiallari)	Suv resurslaridan foydalanganlik uchun soliq	Davlat boji	Jarimalar	Yig'imlar	Davlat unitar korxonalarining sof foydasidan ajratma	Davlat mulki bo'yicha ijara to'lovlari	Xususiy tash-tirish	Boshqalar
10	Nishon tumani	100	100	0	0	100	100	100	0	0

Xalq deputatlari Nishon tuman
Kengashining
2022 yil 30 dekabrda
VI-65-217-4-65-K/22-son
qaroriga
5-ilova

**Tuman mahalliy budjetlarining
2023-yil daromadlari va xarajatlariing chegaraviy hajmi**

ming soʻmda

Budjetlar nomi	Daromad *	Xarajat
JAMI	124 965 800,0	199 805 276,0
Nishon tumani	124 965 800,0	199 805 276,0

** mobil aloqa xizmatlari uchun, alkogol maxsulotlari, shu jumladan pivo va tamaki mahsulotlari uchun aksiz soligʻidan tushumlar boʻyicha oʻtkazib beriladigan daromadlar bilan birgalikda.*

Xalq deputatlari Nishon tuman
Kengashining
2022 yil 30 dekabrda
VI-65-217-4-65-K/22-son
qaroriga
6-ilova

**Tuman mahalliy budjetlarining 2023-yilgi yuqori budjetdan ajratiladigan
tartibga soluvchi budjetlararo transfertlar miqdorlari**

ming soʻmda

Shahar va tumanlar	Tartibga soluvchi transfert miqdori
JAMI	74 839 476,0
<i>shundan</i>	
Nishon tumani	74 839 476,0

Xalq deputatlari Nishon tuman
Kengashining
2022 yil 30 dekabrda
VI-65-217-4-65-K/22-son
qaroriga
7-ilova

**Tuman mahalliy budjetida
2023-yilda yo‘l qo‘yiladigan eng kam mablag‘lar miqdori**

ming so‘mda

T/r	Hudud nomi	Miqdor
	JAMI	843 871,0
	<i>shundan</i>	
1	Nishon tumani	843 871,0